



Aqqalu C. Jerimiassen

UKA 2025/26-1

Atassut

07. Oktober 2025

Domstolsstyrelse pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnissaat pillugit peqqussummut missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Inuussutissarsiornermut, Aatsitassanut, Nukissiutitut, Inatsisit Atuutsinneqarnerannut Naligiissitaanermullu Naalakkersuisoq)

Naalakkersuisut kunngip peqqussutaanik nunatsinnut nalimmassaanissamik aalajangiiffigisassatut siunnersuuteqarnerinut Atassummiit qutsavigaagut.

Domstyrelsip ingerlatai nutarterneqartussat saqqummiussissummi ilanngussanilu taaneqartut erseqqaaripput.

Malunginiangassarli aajuna, naalakkersuisut saqqummiussaanni ilanngussani takunnissinnaajunnaarluni inissiisimanerat takuneqarsinnaammat, naak taanna toqqammavimmigut ajunngikkaluartoq inoqarfinni annerusui, qularnanngilaq inoqarfinni minnernit aallaaveqarpat takunnissinnaajunnaartikkaluaraanniluunniit, pineqartumut tunngatillugu naluneqarnej ajormat sunniuteqarpallaarunnanngitsoq.

Taamaammat allangaatinik takunnissinnaatitaanermut tunngasortaa ilumut nunatsinnut tulluarnersoq apeqquernarsinnaavoq.

Kina qanoq, sumi sunalu pineqartut eqqartuussisarnermi takuneqartarsinnaanissaat pissusissamisoorsorinaannarluarmammi, ingasammik eqqartuunneqartut annertuumik pinerluttuliorsimasut sooq aqqisa illersorneqarnissaat pissusissamisoorpallaarunnanngimmat.

Nuannaarutissaavorli ullutsinnut naleqqusnaanertalimmik una siunnersuut imaqarmat, taakkulu ukkanerpaallutigil Atassummiit una siunnersuut tapersernarteqaarput.

Taamatut naatsunnguamik Atassummiit oqaaseqaateqarluta, siunnersuut ilusaatut isikkoqartillugu aappassaaneerneqarnissaanut innersuupparput.